

S A M Þ Y K K T

um lokunartíma sölubúða og sölustaða á Patreksfirði.

1. gr.

Sölubúðum og sölustöðum á Patreksfirði skal lokað eftir því sem ákveðið er í 2., 3., 4. og 5. gr. samþykktar þessarar.

2. gr.

Alla virka daga ársins skal sölubúðum lokað kl. 18 og þær eigi opnaðar aftur fyrr en kl. 8 árdegis næsta virkan dag.

Þó skulu vera þær undantekningar frá þessu, sem hér segir:

Aðfangadag jóla og gamlársdag skal sölubúðum lokað, ekki síðar en kl. 13, nema þegar aðfangadagur og gamlársdagur eru á mánudegi, þá má hafa opið til kl. 16.00.

Síðasta virkan dag fyrir aðfangadag jóla skal heimilt að halda sölubúðum opnum til miðnættis. Svo er og heimilt að hafa opið til kl. 22 einn virkan dag á undan þessum degi skömmu fyrir jól.

Á tímabilinu 1. janúar til 30. september skal lokað á laugardögum ekki síðar en kl. 13. Á tímabilinu 1. október til 31. desember skal lokað ekki síðar en kl. 16.00.

Föstudaga á tímabilinu 1. janúar til 30. september má hafa opið til kl. 19.00.

3. gr.

Brauðsölubúðum og mjólkurbúðum má halda opnum eins og öðrum verzlunum og auk þess almenna helgidaga og frídaga frá kl. 8 til kl. 12 á hádegi. Þó skal loka jóladag, nýársdag og páskadag eins og öðrum búðum. Laugardaga á tímabilinu 15. maí til 15. sept. skal loka ekki síðar en kl. 16. Ákvæði samþykktarinnar ná ekki til lyfjabúða.

4. gr.

Söluturnum (sælgætisbúðum), sem hafa fengið sérstakt leyfi hreppsnefndar, má halda opnum til sölu blaða, tímarita, frimerkja, sælgætis, gosdrykkja, öls og tóbaksvara sem hér segir:

Á tímabilinu frá 1. maí til 30. september frá kl. 8 til kl. 23.30 alla daga.

Á tímabilinu frá 1. október til 1. maí frá kl. 8 til kl. 22.00. Þó skal loka föstudaginn langa, jóladag, hvítasunnudag, páskadag, aðfangadag jóla og gamlársdag eins og venjulegum sölubúðum.

Eftir lokunartíma almennra sölubúða má sala aðeins fara fram gegnum afhendingarlúgur þessara sölustaða, þannig að viðskiptamönnum er ekki hleypt þar inn.

Hreppsnefnd getur bundið leyfið samkv. 1. málsgrein þessarar greinar þeim skilyrðum, sem hún telur nauðsynleg og ákveðið árlegt gjald í sveitarsjóðinn fyrir leyfið.

5. gr.

Eftir lokunartíma sölubúða er óheimilt að selja á torgum og strætum eða annars staðar utan sölubúða, sbr. þó ákvæði 4. gr., nema úr sjálfsölum nokkurn varning, sem ekki má selja nema samkv. verzlunarleyfi. Undanþegið þessu ákvæði eru þó matvæli og aðrar nauðsynjar til skipa, sem eru að leggja á haf út.

6. gr.

Alla sem komnir eru inn í sölubúð eða sölustað, fyrir lokunartíma er heimilt að afgreiða eftir að lokað hefur verið.

7. gr.

Lögreglustjóra er heimilt, þegar sérstaklega stendur á, að veita undanþágu frá samþykkt þessari, fyrir einstaka daga og til þess að sala megi fara fram í góðgerðarskyni eða til ágóða fyrir stofnanir eða fyrirtæki, sem að dómi lögreglustjóra horfir til almenningsheilla.

48

2. apríl

8. gr.

Brot gegn ákvæðum samþykktar þessarar verða 20—500 króna sektum og renna þær í sveitarsjóð Patrekshrepps.

Með mál út af brotum þessum skal farið sem almenn lögglumál.

9. gr.

Samþykkt þessi öðlast þegar gildi og jafnframt fellur úr gildi samþykkt nr. 142 8. ágúst 1957 um lokunartíma sölubúða og sölustaða á Patreksfirði.

Samþykkt þessi, sem hreppsnefnd Patrekshrepps hefur gert, staðfestist hér með samkvæmt lögum nr. 17 1. febr. 1936 um samþykktir um lokunartíma sölubúða og birtist til eftirbreytni öllum þeim, sem hlut eiga að máli.

Félagsmálaráðuuneytið, 2. apríl 1959.

F. h. r.

Hjálmar Vilhjálmsson.

Jón S. Ólafsson.

REGLUGERÐ

um heimilishjálp á Akureyri.

49

10. apríl

1. gr.

Bæjarráð og bæjarstjóri fara með yfirstjórn heimilishjálpar á Akureyri. Dagleg umsjón með framkvæmdum heimilishjálparinnar á Akureyri er í höndum konu, er bæjarráð skipar til þess.

2. gr.

Hlutverk heimilishjálparinnar er að veita hjálp á heimilum, þegar sannað er með vottorði læknis, ljósmóður eða á annan hátt, sem forstöðukona heimilishjálparinnar metur gildan, að hjálpar sé þörf um stundarsakir vegna sjúkdóma, barnsburðar, slysa, dauðsfalla eða af öðrum ástæðum. Hjálpin skal að jafnaði ekki veitt lengur en til 14 daga í senn.

3. gr.

Bæjarráð ákveður að fengnum tillögum forstöðukonu heimilishjálparinnar, hve margar konum skuli ráða eða hafa til taks til heimilishjálpar. Einnig ákveður bæjarráð launakjör og hlunnindi starfsfólks heimilishjálparinnar í samræmi við gildandi kaupsamninga fyrir hliðstæða vinnu.

4. gr.

Bæjarráð ákveður að fengnum tillögum forstöðukonu heimilishjálparinnar, hvert form skuli vera á umsóknum um heimilishjálp.